

[en marge] Oratorium Nativitatis beatae Mariae virginis de loco Sancti Antonini

Die 23 iunii 1686.

Praefatus dominus Pellegrinus visitator qui supra (etc.).

Visitavit oratorium sub invocatione Nativitatis beatae Mariae virginis, situm in loco Sancti Antonini, fundatum et erectum sumptibus et devotione filiorum et haeredum quondam Ioannis Pauli de Antoninis eiusdem loci; in eo unicum est altare. Nulos habet redditus nec onera; mandavit infra annum competenter dotari pro manutentione eiusdem altaris et oratorii, sub poena interdicti praedictorum altaris et oratorii.

Ordinavit cruci affigi statuam sanctissimi Crucifixi intra tres menses, sub poena arbitraria (etc.). Eadem altare et oratorium sunt decenter constructa et ornata. Adsunt etiam in armario sacra suppellectilia pro celebratione missae ad formam, propterea nihil aliud ordinavit (etc.).

**[151v]** [en marge] Ecclesia parochialis sanctissimae Annuntiatae de loco Sancti Antonini

Die ea.

Praefatus dominus Pellegrinus visitator qui supra (etc.).

Visitavit ecclesiam parochiale sub titulo Annuntiationis beatae Mariae virginis de Sancto Antonino, plebaniae Aregni unitam, collationis liberae, non consecratam, quarum est plebanus et rector admodum reverendus Thomasinus Sozzonus de Lavatoggio, percipiens in annuo redditu libras 1200 circiter, cum onere solvendi pensionem librarum 425 reservatam ad favorem illustrissimi et reverendissimi Francisci Marini episcopi in partibus, et in ea

Visitavit sanctissimum Eucharistiae sacramentum, asservatum in pixide cum cuppa argentea intus deaurata, in reliquis ex aurichalco deaurato, intra tabernaculum satis decens super altare maius, ante quod ardet continuo lampas sumptibus populi.

Adest ostensorium cum sphaera argentea et pede ex aurichalco deaurato et lunula argentea deaurata, ac baldachinum, thuribulum, velum humerale pro processionibus generalibus.

**[152r]** Adest alia pixis parva cum bursa, umbella et lanternis pro deferendo sanctissimo viatico ad infirmos. Ordinavit quod in summitate umbellae ponatur crux et provideatur de alia clave tabernaculi, quae sit argentea vel cuprea vel ex aurichalco desuper aurato, a cuius anulo per vittam sericeam pendeat flocculus decens; quae omnia adimpleri mandavit intra sex menses, sub poena arbitraria (etc.).

Visitavit fontem baptismalem positum in vase marmoreo cum ciborio ligneo. Ordinavit in

proximo pariete affigi imaginem sancti Ioannis Baptistae Christum baptizantis, intra quatuor menses, sub poena arbitraria (etc.).

Vidit sacra olea chrismatis, cathecumenorum et infirmorum, quae conservantur in vasculis stamneis intus arcam in choro, et ordinavit praedicta vascula sacri chrismatis et cathecumenorum deinceps retinenda esse simul cum caeteris requisitis quae reperta sunt in praedicto ciborio sacri fontis, et quod oleum [152v] infirmorum custodiatur in fenestella quae est a cornu evangelii altaris maioris, sed antea praedicta fenestella vestiatur intus tabulis et panno violacei coloris et inscribatur litteris maiusculis *Oleum infirmorum.*

Visitavit altare maius, quod nuper fuit elegantius renovatum ex gypso variis coloribus perpolite maculato et est etiam decenter ornatum. Manutenetur sumptibus operae pro fabrica ecclesiae, quae nihil habet certi, sed percipit eleemosynas quae fiunt in recollectione fructuum; administratur per duos operarios qui vocantur *sanctorii*, qui eliguntur vel ab episcopo in actu visitationis vel a parocho cum consensu populi et functo munere reddunt rationem administrationis vel coram episcopo vel plebano sub sindicatu totius communitatis.

Visitavit sacristiam et hortatus est provideri de planetis, stolis et manipulis albi et rubri coloris; in reliquis, cum sit abundanter provisa et nitide custodita, propterea nihil ordinavit.

[153r] Sacrarium est in choro, quod mandavit muniri sera et clave intra tres menses, sub poena arbitraria (etc.).

Ordinavit sedi confessionali apponi bullam Caenae et pias imagines ante fenestellas intra tres menses, sub poena arbitraria (etc.).

Visitavit altare sub titulo beatae Mariae virginis, fundatum et erectum sumptibus et devotione populi. Nulos habet redditus nec onera. Manutenetur a societate mulierum ad illud erecta eiusdem nominis, quae nihil habet certi et solum percipit contributiones consororum, quae expenduntur in earundem funeribus, in manutentione eiusdem altaris et in eleemosyna quam tribuunt reverendo parocho ut assistat conventibus, quos faciunt singulo mense ante praedictum altare, orantes et meditantes. Officiales eiusdem quotannis renovantur et expleto munera dant computa coram admodum reverendo plebano, ut ipse praesens testatus est. Altare ipsum est

decenter ornatum, propterea nihil ordinavit.

Visitavit altaris (lire *altare*) sub titulo Pietatis, fundatum [153v] et erectum a quibusdam de Marcellis, qui modo appellantur de Savellis, cum reservatione iurispatronatus. Nulos habet redditus nec onera. Manutenetur ex eleemosynis Plinii, qui est unus ex dictis compatronis, et cum repertum fuerit sufficienter provisum nihil ordinavit.

Visitavit altare sub titulo sanctae Catharinae virginis et martyris, fundatum et erectum et de iurepatronatus illorum de Silvestris tanquam descendantibus a Savellis dicti loci. Modo ecclesiastico subiacet interdicto, quia dictum fuit non adimpletam fuisse ordinationem visitationis nuper facta ab ordinario, cum nulos habeat redditus nec onera. Dictus dominus visitator ordinavit provideri de tribus tobaleis novis decentibus et de chartulis secretorum et ultimi evangelii, et quod restauretur et dealbetur suppedaneum candelabrorum, et de pulvino. Quae omnia adimpleri mandavit intra annum, adeo ut intra sex menses incipiat provideri, alias declaravit praedictos patronos privatos iurepatronatus et posse concedi [154r] ab admodum reverendo plebano cui sibi bene visum fuerit et etiam ad eius arbitrium demoliri et destrui; adimplete autem praesenti decreto et facta dicta provisione concessit posse in eo celebrari missa, non obstantibus quibuscunque ordinationibus.

Corpus ecclesiae est satis decens, fornice tectum et dealbatum, propterea nihil ordinavit.

Ad altare maius est erecta societas sub titulo sanctae Crucis, quae nihil habet in bonis, sed percipit eleemosynas confratrum, qui induunt cappas albas, comitantur processiones et funera, congregantur singulis diebus festis ante praedictum altare ad recitandum officium beatae Mariae virginis et alia pia opera faciunt ad praescriptum capitulorum ab episcopo approbatorum.

Ordinavit quod in congregationibus in quibus fiunt officiales antecedenter elegantur compositores pacis et concordiae, qui dicuntur pacieri, alias electio caeterorum officialium et inde secuta sit nulla et nullius roboris ac firmitatis. Administratores antea creabantur et non dabant [*sc. computa ou rationes*] ad tenorem decretorum ecclesiasticorum, [154v] hoc est, cum interventu admodum reverendi plebani. Modo vero conversi ad cor, cum essent praesentes subiecerunt se et suos successores in dicta confraternitate libere et sponte directioni et correctioni admodum reverendi plebani qui pro tempore fuerit eiusdem ecclesiae in perpetuum, et volunt quod semper officiales creentur et rationes computorum reddantur coram et in praesentia dicti admodum reverendi plebani, qui semper sit superintendens generalis eiusdem societatis, servata in reliquis forma capitulorum.

Circa libros parochiales ordinavit provideri de libro piorum legatorum intra sex menses.

Pia legata adimplentur.

Animae in totum sunt 330, ex quibus communicantur 160, et omnes paruerunt praecepto.

Functiones parochiales exercentur.

Concio ad populum habetur.

Doctrinam christianam pueri docentur.

[*en marge*] Oratorium beatae Mariae virginis de loco Sancti Antonini

Die ea.

Praefatus dominus Pellegrinus visitator qui supra (etc.).

Visitavit oratorium sub titulo beatae Mariae virginis, situm in loco Sancti Antonini, fundatum et erectum [155r] sumptibus a quondam Petro de Sabellis de dicto loco. Unicum est in eo erectum altare. Ad illud est erectum beneficium laicale fundatum in capitale census librarum mille et annui redditus librarum centum, cum onere duarum in hebdomada missarum, quod adimpletur, ita testante admodum reverendo plebano. Altare ipsum est decenter constructum et provisum ut etiam corpus praedicti oratorii, propterea nihil ordinavit.